

# Шочмо эл, порылык да чын верч!

## Будь готов!

# Имде лий

4-ше (3548) №,  
2022 ий 28 январь,  
кугарня.



1933 ий 1 февраль годсек лектеш.

0+

## Поян уш-акыл – кугу вий!



Фотом школ архив гыч налме.



Олимпиаде – уш-акылым тергеме пагыт. Кызыт тунемше-влак Всероссийский олимпиадын республикысе йыжынгыштыже шинчымашыштым ончыктат. 9-11-ше класслаште тунемше ўдыр-рвезе-влак 9 предмет дене тергеме пашам возенят. Шочмо марий йылме, марий литератур, кугыжаныш марий йылме, ИКН дене олимпиадышке 125 йоча ушнен.

Шернур район Кукнур шко-

лын тунемшыже-влак Т.Ямбулатова (9-ше кл.) шочмо марий йылме дене, А.Чевакова (9-ше кл.), А.Пидалина (10-шо кл.) марий литератур дене келге шинчымашым ончыктенят да сенгыше радамыш лектынят. Нуным Л.И.Алмаматова ямдылен. Ёдыр-влакым снимкыште ужыда. Тыгаяк сенгымашке Советский район Ёшнўр школ гыч К.Чемекова (10-шо кл.), В.Глушкова (11-ше кл.,

марий йылме дене), Л.Гребнева (11-ше кл., марий литератур дене) шуыныт. Туныктышышт – З.А.Волкова.

Марий йылме да литератур дене икымше верым сенген налше да призёр-влак 26 январьште регион-влак кокласе заочный олимпиадыште танасеныт. Тушко Башкортостан, Татарстан, Удмурт республикла, Свердловск кундем гыч ўдыр-рвезе-влак ушненыт.

Л.ГРИГОРЬЕВА.

фотом еш  
архив гыч  
налме.

## «Тумнаиге» сенышым ойырен



Марий ўдырын дневникыштыже — чыла «визитан». Музыкальный школышто баян дене шокташ тунемеш. Ёмаште Уфа олаште эртаралтше «Культурное наследие» всероссийский конкурсын республикысе йыжыгыштыже 2-шо верыш лектын.

Теле каникул годым Башкортостан Республикысе Бирск олаште «Совёнок-2022» республикысе шанче-практике конференций онлайн эртаралтын. «Шочмо йылме» секцийыште Октябрьский оласе 8-ше номеран школын 7-ше классыштыже тунемше Полина МИНЬКАЕВА чолгалыкшышым ончыктен. Тудо «Марий калык пайрем-влак» проектым арален. Шаран кундемысе пайремлам сайын палымыжлан, ешартыш йодыш-влаклан чын вашмутым пуымыжлан Полиналан Гран-прим кучыктеныт. Чолга ўдырым тўналгыш класслам туньктышо Р.А.Султангареева (снимкыште Полина дене) ямдылен.

Г.Е.АХМЕТШИНА.

## Шучко жап

1944 ий 27 январьыште совет войска Ленинградым немьч блокаде деч тўрыскен утарен. Калык 900 кече наре орланен илен. 600 тўжем утла ен шужен колен. Пашам ыштен кертше енлан

250 грамм, йоча да шонгыен-шамычлан 125 грамм киндым пуэныт. Ладога ер кылмымеке гына, олашке кочкышым конден кертеныт. Самырык тукым тидым шарнышаш.

Ксения БУТЕНИНА.

Морко, Эгерсола.

1943 ий 2 февральыште совет войска Сталинград крдаллаште фашист тўшкам кырен шалатен.

Историйым шергалына



## Шольо-шўжарлан польш

Волжск оласе индустриально-технологический техникумын филиалже Пётъял школ пелен пашам ышта. 11-ше грушын студентше-влак Валерия Подорова, Ринат Данилов, Виталий Жирнов, Кирилл Алканов да туньктышышт Д.А.Бесонова йочасадыште

модмо верым лум деч эрыктеныт да лум курыкым келыштареныт. «Ягодка» группыш коштшо ньога-влак да воспитатель, дефектолог А.А.Петрова ака-иза-влаклан кугу таум ойлат да ончыкыжымат вучат.

Л.В.КОШАЕВА.

Волжский район.

## Российысе увер

Кугурак класслаште тунемше-влак, «Финансовая грамотность» всероссийский онлайн урокыш ушныза. 18 теме дене шинчымашдам пойдарыза. Тўрыс увер — [dni-fg.ru](http://dni-fg.ru) сайтыште.

Йоча да самырык-влак (3-22 ияш), шочмо йылмым туньктышо-шамыч «Кугезе тукымын йылмыже» всероссийский конкурсыш ушнен кертят. Тўрыс уверым [ypredkov.ru](http://ypredkov.ru) сайтыште ончыза.

Растимдетей.рф сайтыште ача-ава-влак йочам ончен куштымо, тунемме шотышто да моло тургыжландарыше йодыш-влаклан консультацийым налын кертят.

## Марий Элысе увер

Марий Элыште «Культура для школьников» проект 1 сентябрь гыч илышыш шындалатеш. Йоча-влак шым направлений почеш тўвыран да сымктышын тўрлө видше дене палыме лийыт.

1-28 февральыште Российысе калык-влакын тўвыра поянлыкышт идалыклан пөлеклалтше республикысе конкурсын районысо йыжыгже эртаралтеш. Тушко 1-11-ше класслаште тунемше-шамыч ушнен кертят. Районышто сеныше-влак республикыште тагасаш тўналыт. Тўрыс увер — [rv12.ru](http://rv12.ru) сайтыште.


Школьник-влак коклаште писе шахмат дене Всероссийский ялысе модмаш Удмурт Республикысе Дебёсы селаште эртаралтын. 13-18 ияш-влак коклаште Медведево районын командыже икымше верым сенен налын.

# «Ямде лийлан» - 89 ий



1933 ий 1 февральыште «Ямде лий» газетын икымше номерже савыкталтын. Икымше редактор – З.Е.Яковлева.

**Эвелина ЕГОРОВА (Осипова), Волжский район Сотнур школышто руш йылмым да литературым туныктышо:**



– 5-ше классыште тунеммем годым Сотнур школышко «Ямде лий» газет редакций пашаен-влак толыныт. Нуно мемнан деч интервьюм налыныт, войзеныт. Икмыняр жап гыч шкеннам газет лаштыкыште ужынна. Куанже мыняре! Тиде вашлиймаш юнкор ра- дамышке ушнаш таратен. 7-ше классыште шинчымашым погымем годым Зинаи-

## Пырля лудына

Таче, сылне шуматкечын, «Ямде лийым» вучена! Налын кидыш ты газетым, Ме пырля лаштыклена.

Тыште уло ятыр серыш: Ойлымаш, йомак, сүрет. Ончыде лиш мутерыш, Кажне мутшо раш – мурет.

Мый палем: вашке газетын Шочмо кечыже шуэш. Тудо ок керт лектын шкетын, Лудшо шуко тек лиш.

**Аня АНДРЕЕВА. Кужэнгер, Шўдымарий.**

да Яковлева лўмеш преми- йым кучыктеныт. Школым тунем пытарымылан кок альбом заметке погынен. Нуно «Эн сай самырык ту- ныктышо», «Идалыкын ту- ныктышыжо» конкурслаште кугу шўкалтышым ыштеныт. Кызыт ынде шкеже тунем- ше-влакым сылнымут ца- шалан шўмандем. Йоча газет илышышке лекташ путёв- кым пуэн. «Ямде лийлан» вуемым савем. Иле, тўзлане, йоратыме газетна!

**Татьяна ИБАТИЕВА (Петрова), Озан олесе ик тўнежысе до- кументовед:**



– «Ямде лий» газет илышыш- тем кугу кышам коден да сыл- нымутышко корным почын. Шернур район Марисола школышто тунеммем годым ятыр почеламутем йоча газе- тыште савыкталтын. Чолган возкалымемлан 2006 ийыште Антонов Ивук лўмеш преми-

**Антонида ЩЕРБАКОВА (Шабалина), сулен налме канышыште:**



– Кужэнгер район Кугу Ляждўр шко- лышто тунемме годым «Ям- де лий» газет дене пенгыде кылым кученам. Тунамсе юнкор йолташем-влакым, Люба Волковам, Юрий Со- ловьёвым, Галя Конаковам да молымат, сайын шарнем. 1975 ийыште «Ямде лий» газет редакций мыланем тале юнкор семын «Артек» пионер лагерьыште канаш путёвкым пўлеклен. Кужэ- нер район Йўледўр школым тунем пытарымеке, тунамсе тўн редактор Алеко Ми- хайлович Юзыкайн Марий кугыжаныш университе- тышке тунемаш пураш тем- лыме серышым кучыктен. Окса чўдылан кўра шоныма- шем шукталтын огыл. Туге гынат сылнымут дене тачы- се кечынат кылым кучем. Йоратыме йоча газетлан кужу ўмырым да шуко луд- шым тыланем.

## Ушан йолташем

Кажне арнян «Ямде лий» газетым чон вургыж вучем. Уремыште почтальоним ужамат, ваштарешыже кур- жын лектам. Тудо кугу сум- кажым почешат, шыргыжа- лын, йоратыме газетемым шуялта. Кажне лаштыкшым тўткын лудам. Тыге чучеш, пуйто мўндыр йолташем- влак дене кутырем. Поче- ламут ден ойлымаш-влакым куанен лудам. Мыскара ден йомак-шамгычымат ордыжеш ом кудалте, поген оптем.

«Ямде лий» – эн поро, эн ушан йолташем. Тудлан кажне гана возалтына. Йоча-влак, теат подпискым ыштыза!

**Юля ЯГОДАРОВА. Советский, Кельмаксола.**

йым кучыктеныт да пырдыж шагатым пўлекленыт. Тиде шагат шочмо суртыштем кызытат кеча. Школ пагы- тыште савыкталтше почела- мутем-влакым пўчкын лукты- нам да портфолиошто аралем. «Марий Юнкор» слётгышто ятыр гана лийынам. У йол- таш-влакым муынам да келге шинчымашым налынам. Кы- зытат почеламутым возкалем. Йоча газетым лўмгечыж дене шокшын саламлем да куту- таум ойлем.

**ПОДПИСКА**

**«Ямде лий» газетлан возалтме йўн-влак:**

Рекламе.

**Кажне тылзын 15 числа марте почто отделенийлаште возалташ лиш.**

**Альтернативный подписке: редакций гоч 150 тенге дене налын кертыда.**

**Электрон подпискым ышташлан 89027382237 номер дене Сбербанкыш 150 тенгем колтыза але тиде номерышке пыштыза да [yamde\\_lii@mail.ru](mailto:yamde_lii@mail.ru) адресыш лўмнердам возен колтыза.**





## Пушенге мала

Пушенге-влак телым сайын илен лекташ манын, кенегеж гоч вийым погат: укшаштым крахмал дене темат. Йүкшемдыме семын крахмал сакрыш савырна, пушенгын соkho нугыдемеш, тыге тудо пенгыдемын «малаш возеш». Тидын нерген Советский район Ронго школ пеленысе «Лисёнок» лесничествыш коштшо ўдыр-рвезе-влак сайын палат. Тудым школышто биологийым да химийым туныктышо Л.В.Жданова вуйлата.

демден, вўдыш пыштенна да укшлам вартышыш шынденна. Укш-влакын мыняр жап гыч нерешташ тўналмыштым эскеренна. Эн ончыч ломбо нерештын, пытартышлан – ваштар. Опыт гыч пале ли-

Фотом школ архив гыч налме.



– Любовь Витальевна, пушенге-влак тамле омо деч вара кузе помыжалтым?

– Пушенге пич омо дене У ий марте мала. Кече кужемаш тўналмеке, эркин-эркын помыжалтеш. Мыняр жап малымым пален налаш манын, йоча-влак опытым ыштен кертыт. Тидлан пушенге укшым тўрлў жапыште: декабрьште, мартыште – тодылман да вўдыш шындыман. Мыняр кече гыч лышташ нерешташ тўналмым эскерыман.

– Тугеже те йоча-влак дене пырля тўрлў опытым эртареда?

– Йоча-влак пўртўсым шымлаш кумылан улыт.

Шукерте огыл пушенгын ингибиторжым тергенна (**снимкыште**). Тиде вещества пушенгылан малашыже полша. Опытлан куэн, ломбын, ваштарын лышташнерыштым погенна. Кажныжым посна тыгы-

йын: ваштарыште ингибитор эн шуко. Сандене тудо шошым эн вараш нерештеш. Шагал ингибиторан пушенге-влак телым, чот левыктыме годым, помыжалтын кертыт.

**Е.ИВАНОВА.**

## Кочмывер ямде!

Тунемше-влак «Кайыкым пукшена!» акцияш чолган ушненыт. 1-ше ден 4-ше класслаште шинчымашым погышо йоча-шамыч туныктышышт И.Г.Кириллован да ача-ава-влакын полшымышт дене ятыр кормушкым ыштеныт. Иктыже весыж деч ойыртемалтеш. Теве Роман Федотовын ўстелже (**снимкыште**) кайык пыжашым ушештара. Кормушко-влакым школ пакчашке веранденыт. Йоча-шамыч кайык толмым кажне кечын эскерат да тамлын сийлат. Тыге пўртўсым аклаш тунемыт.

**Е.В.ГРИГОРЬЕВА, вожатый.**  
**Морко, Шўргыял.**



**Кыша-влакын озаштым палыза да нуным чиялтыза.**

## Эн сылне вер

Эн сылне верыште верланьше Матародо ялеш шоच्याнам. Тыште школ, клуб, книгагудо, медпункт улыт. Калык тыршен пашам ышта, келшен, икте-весым пагален ила. Пўртўс пеш мотор. Гўжлен шогышо куэр ден школысо олма сад шочмо кундемнам поснак сўрастарат. Матародо ялемым моткоч йўратем.

**Лювена ФЕДОТОВА-ГРАДОБАЕВА.**  
**Параньга район.**



И.Г.КИРИЛЛОВАН фотожы

## Китне велын шанчыенже



Марий Эл Республикысе тўвыран сулло пашаенже, журналист, литератор, краевед, Н.А.Заболоцкий лўмеш сылнымут преми-йын лауреатше **Р.А.БУШКОВЛАН** 31 январьыште 65 ий темеш.

**Лўмгече**

Р.А.Бушков Марий Турек район Элксе почингаште шочын. Йошкар-Оласе 1-ше номеран музыкально-художественный школ-интернатыште тунеммыж годым «Ямде лий» газет дене пенгыде кылым кучен. «Пионерская правда» газетын, «Огонёк», «Турист» журнал-влакын эртарыме конкурслаште сенышыш лекмыжлан «Артек» тўнямбал пионер лагерыш, Польшыш, Болгарийыш каяш путёвкым кучыктеныт. Руслан Аркадьевич паша корныжым 1975 ийыште «Ямде лий» газетыште тўналын. Совет Армийыште службим эртыме деч вара Озан олесе кугыжаныш университетыште журналистикте пўлкаште тунемын, шинчымашыжым аспирантурышто келгемден. Озагысе да Марий кугыжаныш университетлаште, Озагысе ветеринар институтышто пашам ыштен.

Кызыт Руслан Аркадьевич – сулен налме канышыште. Туге гынат самырык-влакым журналистикте пашалан шўманда, шанче

Р.А.Бушков – историй науко кандидат, Военно-исторический наукин Россий Академийжын член-корреспондентше, Юл кундемысе калык-влакын этнокультурышт, историй да литературатур краеведений дене 200 пашан, тыгак руш да татар йылмыла дене 15 книган авторжо.

сомыллан утларак жапым ойыра. 2017 ийыште савыктыме «Рассвет земли Она-



ра» книгажым ешарен, тўрлен да 2021 ийыште уэш печатлен луктын. Марий краевед-влак ты савыктышым Марий Турек

районын тўвыраже да эртыме корныжо нерген энциклопедий сынан пашалан шотлат. Тушто Марий кундем нерген палыдыме ятыр историй фактым муашлиеш. «Школьышто тунем-мем годым «С чего начина-

ется Родина» муро кумдан чапланыше ыле. Мурышто икымше вашмут тыгай: «С картинки в твоём букваре», – ойла Руслан Аркадьевич. – Марий йоча-влаклан тыгай букварьжым кў да кунам ямдылен? Йодышлан вашмутым шанчыен лиймеке веле пален налынам. Йоча-влаклан шуко сўретан икымше марий букварьын эртыме корныжо нерген ондай факт-влакым уэш савыктыме «Рассвет земли Онара» книгашке ешаренам. Тыгай букварьым йылмызе, просветитель Г.Г.Кармазин 1912-1913 ийлаште Марий Турек район Кокла Китне тўналтыш школышто пашам ыштымыж годым ямдылен. Тушко Гурий Гаврилович лўмынак букварьым чумыраш толын улмаш. Мый кызыт кугешнен палемдем: ты школышто кочам Г.А.Бушков тунемын да букварьын авторжо дене палыме лийын».

**Л.ГРИГОРЬЕВА** ямдылен. Фотом еш архив гыч налме.



Пагалыме  
Руслан Аркадьевич!  
Шочмо кечыда дене шокшын саламлена! Пенгыде тазалыкым, ласкалыкым, шанче пашаште тўвыргў лектышым тыланена.

## Пайдале теле каныш

Юнкорна-влак деч теле каникулым онгайын, пайдалын эртарымышт нерген ятыр серыш пурен. **Морко район Коркатово** лицей гыч Полина Алексеева, Регина Егорова,



**Миша АФНАСЬЕВЫН** сўретше. Параньга, Усола.

Илья Вишняков, Саша Васильева шер теммешке модмышт нерген возеныт. «*Уремыштына кугу курык уке гынат, мыланна кўжиакажат Урал курык гай чучеш*», – серен Полина. Надя Рассанова пўлеклыме книгам куанен лудын. Ксюша Боголюбова Шорыкйол арняште мўчўр-влакын сурт еда коштымш дене палдарен.

**У Торъял район Кузнеч** школын тунемшыже Полина Петухова Лена акаж дене Ялар курыкыш мунчалташ мийымыж нерген серен. Вероника Мамаева тельмсе пўртўсым эскерен: «*Уремыште лум пырче-влак кайык семын чоҥештылыт.*

Ече дене коштмо годым рывыж ден мараҥын кышаштым ужынна».

**Кужаҥер район Конганур** школ гыч Юлия Смирнова, Севастьян Кузнецов, Аня Варакина каникулышто ковашт дек унала мийымышт нерген палдареныт. Арсений Виногоров шочмо кечым пайремлымыж нерген возен.

**Советский район Кельмак-сола** гыч Юлия Ягодарова рўдолашке толын коштын: «*Ленин площадьысе кож вик шинчалан пернен: шуко модышым сакалыме, а вуйыштыжо – шўдыр*».

Серыш-влакым  
**Х.АЛЕКСАНДРОВА** лончылен.





Кўшыл категори-  
ян туныктышо,  
Россий Президентын  
грантшым кок гана  
налше, Россий Фе-  
дераций общий обра-  
зованийын почётан  
пашаенже, Йош-  
кар-Оласе 21-ше  
номеран  
Семёновко  
школышто кугыжаныш марий  
йылме урокым вўдышö  
**О.Н.ВАСЕНИНА** ямдылен.

## Йоча газетлан пöлеклалтше урок



### Йодышан ойлончо-влакым текст почеш чонгыз.

1933 ий 1 февральыште марий йоча-влаклан «Ямде лий» газетын икымше номерже лектын. Тиражше 500 экземпляр лийын. Сарлан көра 1941 ий 5 июль гыч газетын пашаже шогалын. 1966 ий гыч «Молодой коммунист» редакций пелен лекташ тўналын. 1967 ий гыч шке семын пашам ышта. Газет лаштыклаште тўрлö кундемыште илыше йоча-влакын серышышт савыктал-  
тыт. Нуно школ илыш, еш, пўртүс да моло нерген возкалат. Газетыште онай конкурс-  
влак эртаралтыт.



### Тест почеш уш-акылдам тергыза.

1.Йоча-влаклан лекше икымше марий савыктышын лўмжö.

- А) «Ямде лий»;
- Б) «Кече»;
- В) «Пионер йўк».

2.«Ямде лий» газет кунам савыкталташ тўналын!

- А) 1930 ий;
- Б) 1936 ий;
- В) 1933 ий.

3.«Ямде лий» газетын икымше редакторжо кө лийын?

- А) Л.В.Семёнова;
- Б) З.Е.Яковлева;
- В) Л.Н.Григорьева.

4.«Ямде лий» газетын тиражше кызыт могай?

- А) 1550;
- Б) 500;
- В) 16 тўжем.

5.«Ямде лий» газет самырык корреспондент-влаклан икымше слётым кунам эртарен!

- А) 1987 ий;
- Б) 1997 ий;
- В) 1977 ий.



### Йöратыме савыктышда нерген возыза.

Мый \_\_\_\_\_  
(газетым, журналым) лудаш йöратем.

Тиде савыктыш \_\_\_\_\_  
годсек лектеш.

Тушто \_\_\_\_\_  
нерген статья-влак улыт.

Южгунам шкежат \_\_\_\_\_  
возем.



### Шомак-влакым чын кусарыза.

Савыктыш \_\_\_\_\_, савыкташ \_\_\_\_\_,  
савыкталташ \_\_\_\_\_,  
усталык \_\_\_\_\_, тўналаш \_\_\_\_\_,  
тўн редактор \_\_\_\_\_, редакций пашаен \_\_\_\_\_.



### Глаголым чын формышко шынден возыза.

ед.ч.

1 л. Мый «Ямде лий» газетым лудаш йöратем.

2 л. Тый «Ямде лий» газетым \_\_\_\_\_.

3 л. Тудо «Ямде лий» газетым \_\_\_\_\_.

мн.ч.

1 л. Ме «Ямде лий» газетым \_\_\_\_\_.

2 л. Те «Ямде лий» газетым \_\_\_\_\_.

3 л. Нуно «Ямде лий» газетым \_\_\_\_\_.



### Чын ойлончым ойырыза.

А. Кугу Ачамланде сар деч ончыч наре 1240 «Ямде лий» газетыш возкален юнкор.

Б. «Ямде лий» газетыш 1240 юнкор Кугу Ачамланде сар возкален деч ончыч наре.

В. Сар деч ончыч Кугу Ачамланде «Ямде лий» газетыш 1240 юнкор наре возкален.

Г. Кугу Ачамланде сар деч ончыч «Ямде лий» газетыш 1240 наре юнкор возкален.



### «Ямде лий» газет нерген план почеш каласкалыза.

- 1. Газетын шочмыжо.
- 2. «Ямде лийын» виян толмо корныжо.
- 3. «Ямде лий» гоч усталык корным тўналше ег-влак.
- 4. Кызытсе газет.

**Мутер**

**Ойлончо** – предложение.

**Савыктыш** – издание.

**Йодышан** – вопросительный.

Шочмо йылме эн мотор,  
Мутланаш гына ит öр.  
Тудо чылтак ава гай:  
Поро, ныжыл да онай.

**Оля БОКОВА.**

**Морко, Шўргыял.**

Шочмо йылмын куатше  
неш кугу... Тиде  
чынак.



**Шабдар Осып.**

## Мемнан кидыште

Марий йылме – марий калыкын шочмо йылмыже. Тудо калыкын чонжым, вийжым ончыкта. Йылмын куатше аван шöржö дене толеш. Садлан ме тудым ава семынак йöратышаш да аралышаш улына. Школышто шочмо марий йылме урокым кажне йоча кумылын тунем-

паш. Ме, икшыве-влак, марла кутыраш вожылаш тўналына гын, марий йылме йомын кертеш. Чон шортеш. Но мый палем, марий йылмын ончыкылыкшо – самырык тукумын кидыште.

**Лена СЕМЁНОВА.**

**Национальный сымыктыш  
гимназий.**

# Лум мөчөр гай

Тений лум шу-уко толын. Тиде йочалан куан. Кө лумъенгым ышта, кө чапле орым чоңа. А курык гыч мунчалташыже могай сай. Икте ече дене пикшла ончыко чыма, весе, терыш шинчын, почешет покта. Пычкемышалтмешке модын, чылт лум мөчөр гай мөнгө пөртылына.



**Ангелина МИРОНОВА,  
Диана КАЗАНЦЕВА.**  
Морко, Унчо.

## У спектакль

М.Шкетан лүмеш Марий национальный драме театр калык ончыко у пашам лукташ ямдылалтеш. 5-6 февральыште У.Шекспирын пьесыж почеш «Торешвате» спектакльым ончыкта. 12 ияш деч кугурак ийготан ег-влаклан темлалтеш.

– Тўнямбал драматургын произведенийжым калык поэт Семён Николаев марлаҗден. Пьесыште тореш йылман Катаринан Петруччо дворянинлан марлан лекмыже да нунын кокласе кыл нерген ойлалтеш. Шекспир тўрлө койыш-шоктышан образым почаш йоньым пуа. Ончаш толшым спектакль мучаште шонаш таратыше монолог вуча, – оила спектакльын режиссёржо Р.Алексеев.

**Х.АЛЕКСАНДРОВА.**

**В.ТУМБАЕВЫН** фотожо.



«Ямде лий» газет  
Тўн редактор  
**Л.Н.ГРИГОРЬЕВА.**  
Индекс: П4696.  
Тираж 1550 экз. Заказ  
Формат – А-4-8.

[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: [yamdelii.ru](http://yamdelii.ru)

**УЧРЕДИТЕЛЬ-ВЛАК:** Марий Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.  
Номер – ПИ № ТУ52-01335,  
2021 ий 29 сентябрьыште пуымо.

0+

Печатьыш пуымо жап –  
14-00,  
фактически – 13-00

Авторын да редакцийын шонымышт тўрлө лийын кертыт. Серыш-влак мөнгеш огыт колталт.  
Ак – кутырен келшыме почеш.

Редакцийын да издательнын адресше:  
424006, Йошкар-Ола, СССР Вооружённый Вийын 70-ше идалькыше урем, 20-шо пөрт.  
Тел. 8(8362) 45-22-82(факс)

Фотом рўдерын архивше гыч налме.

«Ямде лий» 2022 ий 28 январь

**Электротулым аныклыза**



## Шекланыз!

Сурткөргө арвер-влак польшкалышына да йолташна улыт. Нуным переген да шекланен кучылтман. Арвер-влак электротул дене пашам ыштат. Тудым күлеш семын кучылт моштыдымылан көра азап лиеда. Йоча-шамыч правылым пален кушкышт маньын, Ийготыш шудымо-влаклан

Морко посёлкысо социал реабилитаций рўдерыште «Осторожно – бытовые приборы» модышым эртаренна. Ёдыр-рвезе-шамыч (снимкыште) туштылан вашмутым кычалыныт, вургемым шымартым эскереныт, электротулым аныклен кучылташ тунемыныт.

**Н.В.НИКИТИНА.**

30 январь – Йўштө кугыза ден Лумёдырын кечышт.



Сўретым чиялтыз.



